



31-05-2018

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara:

**Naalackersuisunut apeqqutit:**

**1. Inuit ilinniakkaminnik naammassinnittartut amerlassusaannut naatsorsuutit maannakkut pigineqartut aallaavigalugit, taava apeqquqummut tunngavilersuummi allaaserineqartoq tunngavigalugu ineqarnermut ileqqaartalernissaq qanormita akeqassava?**

**2. Siunnersuut qanoq akeqassava taggikkutsigu Ilinniarnersiutininik pisinnaatitaasut tamarmik ilinniakkaminnik naammassinnittartut?**

**3. Naalackersuisunut naatsorsorlugu takussuseqquneqarpoq siunnersuut akileraarutitigut inuuneq naallugu qanoq isertitaqarnerulersitsisinnaanersoq nunani allani ilinniartut 10, 20, 30, 40, 50, 60, 70, 80, 90 aamma/imaluunniit 100 procentii Kalaallit Nunaannut angerlartalertuugaluarpata nunani allani najugaqaannaratik. Naalackersuisut qinnuigineqarput maannakkut kisitsit pissarsiarineqarsinnaasut tunngavigeqqullugit.**

**4 Naalackersuisut suliamut tunngatillugu allanik soqutiginaateqarsinnaasunik paasissutissiisinnaappat?**

(Inatsisartunut ilaasortaq Malene Vahl Rasmussen, Demokraatit)

**Tunngavilersuut**

Inuusuttorpassuit ilaasa ajoraluartumik qinertarpaat nunani allaniiginnarnissartik, ilinniartutik naammassigaagamik. Neriuppunga isumaqarlungalu ineqarnermut ileqqaartalernerup amerlanerit angerlartittalersinnaassagai piginnaasaminnillu nunarput iluaqusertalerlugu.

Inuusuttut nunatsinni ilinniartartut eqqarsaatigalugit nalinnaasorujussuuvoq ilinniareernermit kingorna piginneqatigiilluni illumut imaluunniit nammeneq pigisassamut illumut ukiorpassuit ingerlareeraangata aatsaat akissaqalertarnerat. Tassa imaappoq, inissiani attartortakkani ineqaannartariaqartarput taamaasillutillu attartortittakkamut illumut inagiisisimatinneqartarput. Tamanna sualummik illoqarfinni annerni ajornartorsiutaavoq, inissaaleqiffiusuni.

Uanga siunnersuutigaara ilinniartunut tamarmik initaarnissaminnut ileqqaartinneqartalissasut tassani Namminersorlutik Oqartussat ilinniartuunerup ilinniagaqarnersiuteqarsinnaatitaanerullu nalaani qaammammut 850 koruuninik akiliisittarlugu. Taamaasilluni aaqqissuussineq atuutilertassaaq qaammat taanna ilinniarnertuunngorniarfimmil/assarsornermut ilinniartarfimmil aallartinnermiit aammali atuutissalluni ilinniartup kalaallip nunani allani ilinniarnarluni aalajangerneraniit.

Ileqqaakkat aatsaat tunniunneqartassapput inuutissarsiutigiligassamik ilinniakkamik



DEMOKRAATIT  
DEMOKRATERNE

naammassinissimangaanni. Tassa imaappoq, initaarnissamut ileqqaakkat tunniunnearsinnaassanngillat atuaqqiffinni, soorlu Ilinniarnertuunngorniarfik atuarneq naammassisimangaanni.

Tamatuma saniatigut initaarnissamut ileqqaakkat atorneqartassapput piginneqatigiilluni illumik imaluunniit nammineq pigisassatut illumik pisinermut atatillugu aallarniutitut.

Arlaannik pissuteqarluni inuutissarsiutigiligassatut ilinniagaq naammaseqarsinnaanngippat, taava initaarnissamut ileqqaakkat Landskarsimut utertinneqartassapput.

Apeqqutima piffissarititaasut ullut qulit iluanni akineqarnissaat kissaatigaara.